

mala quatuor, sessilia, distincta aut coalita. *Fructus* baccatus, pyrenis 2-3 chartaceo-monospermis.

* Foliis integerrimis.

ILEX CYMOSA, Bl.

I: foliis oblongis obtuse acuminatis integerrimis glabris, cymis dichotomis axillaribus casu foliorum paniculatis (arbor 50 ped. alt.; flores dioeci.; Cor. masc. 4-5-part.; sem. 7-12-part.; Bacca 8-pyrena).

Crescit: in sylvis Javae occidentalis.

Floret: Martio, etc.

Nomen: Kisekkal; Kisukkel.

ILEX SPICATA, Bl.

I: foliis oblongo-lanceolatis integerrimis coriaceis glaberrimis margine recurvis, spicis axillaribus lateribusve (frutex passim parasiticus. Bacca 6-8-pyrena).

Crescit: in sylvis montanis altioribus.

Floret: omni tempore.

Nomen: Kisekkal.

ILEX INTEGRA, Thunb.

I: foliis cuneato-oblongis obtusis integerrimis coriaceis glaberrimis subaveniis, pedunculis confertis axillaribus 1-floris.

Crescit: ex Japonia accepi.